

Handwritten signature or initials



პანონთა და მთავრობის განკარგულებათა

კრებულნი

იუსტიციის სამინისტროს საკლდეოქანთო განყოფილების გამოსევა.

13744

1919 წ. მარტის 12

№ 5

პირველი ნაწილი

შინაარსი:

- კან. 36. დროებითი წესები დახოცილ ან მუშაობის უნარდაკარგულ სამხედრო პირთა, სახალხო გვარდიელთა და მოხალისეთა და მათი ოჯახების უზრუნველყოფისა.
- 37. სახელმწიფო და საზოგადოებრივ სამსახურის გამო ჩადენილ ზოგიერთ დანაშაულსა.
- 38. მთავრობის ოფიციალურ ორგანოს „საქართველოს რესპუბლიკის“ დაარსებისა.
- 39. დროებითი დებულება საქართველოს წყალთა ძალის გამოყენებისა.
- 40. საქართველოს პარლამენტის დადგენილება პარლამენტის მოქმედების შეჩერების შესახებ.

36. დროებითი წესები

დახოცილ ან მუშაობის უნარდაკარგულ სამხედრო პირთა, სახალხო გვარდიელთა და მოხალისეთა და მათი ოჯახების უზრუნველყოფისა.

მუხ. 1. საქართველოს რესპუბლიკის ხაზინიდან, ვიდრე პენსია დაენიშნებოდეთ, ფულით დახმარების მიღების უფლება აქვს საქართველოს ჯარში და სახალხო გვარდიაში იმ სამხედრო მოსამსახურის და მოხალისეს ოჯახს, რომლის წევრიც მოიკლა ან გარდაიცვალა სომხებთან ომში მიღებულ ჭრილობისა, დაშვებისა თუ ავადმყოფობისაგან. ასეთივე უფლებით სარგებლობს მუშაობის უნარდაკარგული დაშვებულიც.

მუხ. 2. იმ სამხედრო მოსამსახურეს, სახალხო გვარდიელს და მოხალისეს, რომელმაც დაშვების გამო დაჰკარგა მუშაობის უნარი და ამი-



ტომ იძულებულია სამხედრო სამსახური დასტოვოს, — ყოველ თვიური ჯამაგირი განესაზღვრება ასე: ოფიცერს და კლასის ხარისხოვანს, უკეთუ მუშაობის უნარი მთლად დაჰკარგვია, მიეცემა ორი მესამედი იმ ჯამაგირისა, რომელიც დადებული ჰქონდა დაჭრის დროს; ჯარისკაცს-კი მისი ნორმალური ხელობის ხელფასის საშუალო ნორმის ან მის საცხოვრებელ ადგილას სარჩენ ან საჭირო ხარჯის საშუალო მინიმუმის ორი მესამედი, პირველი ქალაქის მუშისთვის, ხოლო მეორე სოფლის მცხოვრებს. უკეთუ დაზავებულს მუშაობის უნარი მთლად არ დაჰკარგვია, მიეცემა იმავე ნორმის ორი მესამედის ის ნაწილი, რომელიც შეეფერება მუშაობის უნარის დაკარგვის ხარისხს.

მუხ. 3. საშუალო ნორმის და სარჩენი ხარჯის საშუალო მინიმუმის განსაზღვრა დაევალება შინაგან საქმეთა სამინისტროს, რომელიც ყველა ამისათვის საჭირო ცნობებს მიიღებს ადგილობრივ თვითმმართველობის ორგანოებისა და შრომის სამინისტროსაგან.

მუხ. 4. ხელფასის საშუალო ნორმა და სარჩენი ხარჯის საშუალო მინიმუმი ყოველ ჯარისკაცისათვის განისაზღვრება იმ ადგილის მიხედვით, სადაც იგი საომარ მოქმედების დაწყებამდე მუდმივად სცხოვრობდა.

მუხ. 5. ოჯახების წევრებს დახმარებად მიეცემათ გადაცვლილის წლიური ჯამაგირის შემდეგი ნაწილი:

1) ქვრივს — ერთი მესამედი სიკვდილამდის, ან ვიდრე გათხოვდებოდეს;

2) ორივე სქესის შვილებს: კანონიერთ, დაკანონებულთ, ნაშვილებთ და ქორწილს გარეშე ნაშობთ, ვიდრე 15 წლისანი გახდებოდნენ, თითოს — ერთი მეექვსედი, უკეთუ ერთ-ერთი მშობელი ცოცხალი ჰყავთ, და ერთი მეოთხედი — სრულ ობლებს;

3) ახლო პირდაპირ ნათესავს: მშობლებს, მათ დედ-მამას — ერთი მეექვსედი, და

4) სრულ ობოლ ძმებს და დებს, ვიდრე 15 წლისანი შესრულდებოდნენ, თვითელს — ერთი მეექვსედი, თუ-3 და მე-4 ბუნქტში მოხსენებულნი პირნი გადაცვლილის სარჩენი იყვნენ.

მუხ. 6. ორივე მშობლის გადაცვალეების შემდეგ შვილები (იხ. პუნ. მე-2, მუხ. მე-5) იღებენ ფულით დახმარების იმ ჯამს, რომელიც ეკუთვნის სრულ ობლებს.

მუხ. 7. ფულით დახმარების საერთო ჯამი, რომელიც მე-5 მუხ. მოხსენებულ გადაცვალეებულის ოჯახის წევრებს ერგებათ, არ უნდა აღემატებოდეს გადაცვალეებულის წლიურ ჯამაგირის ორ მესამედს; უკეთუ აღემატება, მაშინ მე-5 მუხლის პირველ და მეორე პუნქტში აღნიშნულ პირთ უპირატესობა მიეცემათ, რათა მთლად დაკმაყოფილებულ იქმნენ, ხოლო იმავე მუხ. მე-3 და მე-4 პუნქტებში აღნიშნულ ნათესავებს-კი დაენიშნება ნაშთი, რომელიც ამ ნათესავთ, თუ ასეთი რამდენიმე აღმოჩნდება, თანაბრად გაეყოფათ; გარდა კანონიერი შვილის დაბადებისა, არავითარი ცვლილება არ დაედება საფუ-

ძვლად ოჯახის წევრებისათვის დანიშნული ფულით დახმარების რაოდენობის შეცვლას.

შ ე ნ ი შ ვ ნ ა. ოჯახად ჩაითვლება: ცოლი და შვილები ყოველ შემთხვევაში, მოხუცებული მშობლები, დები და ძმები—კი მხოლოდ იმ შემთხვევაში, თუ ესენი ომის დაწყებამდე სხვის დაუხმარებლად სცხოვრობდნენ გადაცვლილის ხარჯზე.

მუხ. 8. ფულით დახმარების მიცემის დასაწყის ვადად ჩაითვლება სამხედრო მოსამსახურის გადაცვლის დღე. დახმარების მიცემა მოესპობა დღიდან პენსიის დანიშვნისა.

მუხ. 9. უკეთეს დაობლებულ ოჯახს მომავალში მეტი პენსია დაენიშნა, ვიდრე ფულით დახმარებას იღებდა ამა დროებითი წესების მიხედვით, მაშინ პენსიიდან ეს თანხა გამოერიცხება; თუ ნაკლები დაენიშნა, მაშინ ზედმეტად მიცემული ნამდვილ გასავლად ჩაითვლება და დანიშნულ პენსიიდან არ გამოერიცხება.

მუხ. 10. თვითეულ დამზავებულ ოფიცერსა და კლასიან ხარისხოვანს მთავრობა სადასტურო ქალაქს აძლევს იმ ჯამაგირის რაოდენობის აღნიშვნით, რომელიც დაჭრის დროს ეძლეოდა.

მუხ. 11. თხოვნა დაჭრილობის მოწმობით და სადასტურო ქალაქი ჯამაგირის რაოდენობისა წარედგინება ადგილობრივ თვითმმართველობის ორგანოს, რომელზედაც დამოკიდებულია როგორც დახმარების რაოდენობის გადაწყვეტა, აგრეთვე მისი მიცემაც.

შ ე ნ ი შ ვ ნ ა. შრომის უნარის რაოდენობის დაკარგვის აღნუსხვა ევალება ადგილობრივ თვითმმართველობას, რომელიც ამ მიზნისათვის ხელმძღვანელობს 1918 წლის იანვრის 28 კანონით.

მუხ. 12. ომში მოკლულისა ან გადაცვილ სამხედრო მოსამსახურის შესახებ ცნობები: ჯარის ერთეულის, ხარისხის, თანამდებობის, ჯამაგირის რაოდენობის და თვით გადაცვლის დღის აღნიშვნით წარედგინება სათანადო უფროსების მიერ სამხედრო სამინისტროს პიროვნულ შემადგენლობას, საიდანაც დაობლებულ ოჯახებს შეუძლიათ მიიღონ ატესტატი ფულით დახმარების მიღების უფლებისა; სახალხო გვარდიელების ოჯახები—კი ასეთ ატესტატებს მიიღებენ სახალხო გვარდიის შტაბიდან. ეს ატესტატები, თხოვნასთან ერთად, წარედგინება ადგილობრივ თვითმმართველობის ორგანოებს, საიდანაც მიიღებენ საბოლოო ანგარიშს.

მუხ. 13. დაჭრილი სამხედრო პირი, ჰოსპიტალში წამლობის შემდეგ, თუ საჭირო იქნება, განაგრძობს წამლობას საერობო საავადმყოფოში სახელმწიფოს ხარჯზე.

მუხ. 14. ეს დროებითი წესები შედის ძალაში 1918 წლის ქრისტეშობისთვის 9.

მუხ. 15. სამხედრო სამინისტრო თვალ-ყურს ადევნებს ამ კანონ-

ნის ცხოვრებაში გატარებას შინაგან საქმეთა სამინისტროსთან შეთანხმებით და, თუ საჭიროდ დაინახა, გამოსცემს შესაფერ ინსტრუქციებს.

მუხ. 16. ამ კანონის განსახორციელებლად გაეხსნას სამხედრო შინისტრს კრედიტი სამას ორმოცდაათი ათასი მანეთისა.

1919 წ. იანვრის 31.

დედანს ხელს აწერენ:

საქართველოს პარლამენტის თავმჯდომარის ამხანაგი ე. თაყაიშვილი.

საქართველოს რესპუბლიკის მთავრობის თავმჯდომარე ნ. ჟორდანიას.

37. კ ა ნ ო ნ ი

სახელმწიფო და საზოგადოებრივ სამსახურის გამო ჩადენილ ზოგერთ დანაშაულისა.

I. სასჯელთა დებულების მე-V კარის (რადჩაქს) სათანადო მუხლთა ნაცვლად დროებით შემოღებულ იქნეს შემდეგი:

1. მოსამსახურე, რომელიც სამსახურის გამო ჩადენს მოქმედებას,

ა) რომლის ნება მიცემული არა აქვს კანონით და არც დავალეზბული საგანგებო მინდობილობით, ან თუმცა დავალეზბული აქვს, მაგრამ არა კანონის მიერ ნაჩვენებ საფუძველით;

ბ) სათანადო უფროსის ნებადაურთველად, როცა კანონი ასეთ ნებათვას მოითხოვს, — ხელისუფლების ასეთ გადაშეტებისათვის, უკეთეს ჩადენილია განზრახ ან დაუდევრობით და ამით მიყენებულ იქნა თვალსაჩინო ზიანი მართვა-გამგეობის წესისა ან სახელმწიფო, საზოგადოებრივ და კერძო ინტერესებისათვის, დაისჯება:

დატუსაღებით და ჯამაგირიდან გამორიცხვით, ან თანამდებობიდან გადაყენებით, ან უამშედევგებოთ.

უკეთეს ხელისუფლების გადაშეტება მოხდა განზრახ და მან მიაყენა თვალსაჩინო ზიანი მართვა-გამგეობის წესს ან სახელმწიფო, საზოგადო, ან კერძო ინტერესს, ან ასეთ ზიანის საფრთხე შექმნა, ან უკეთეს დამნაშავემ ხელისუფლების გადაშეტების დროს მიმართა ძალადობას პიროვნების წინააღმდეგ, ან დასასჯელ მუქარას, ან უკეთეს ხელისუფლების გადაშეტება მოხდა ანგარების მიზნით, დამნაშავე დაისჯება:

ტუსაღთა გამასწორებელ რაზმში გაგზავნით ან სატუსაღოში დამწყვდევით და სამსახურიდან გამორიცხვით და აგრეთვე მთელი ქონების ან მისი ნაწილის კონფისკაციით, ან უამშედევგებოთ.

უკეთეს ანგარების გამო ხელისუფლების გადაშეტებამ გამოიწვია თვალსაჩინო ზიანი მართვა-გამგეობის წესის ან სახელმწიფო, საზოგადოებრივ თუ კერძო ინტერესისათვის, ან ასეთს ზიანის საფრთხე დაბადა, დამნაშავე დაისჯება: ტუსაღთა გამასწორებელ რაზმში გაგზავნით არა უმცირეს სამი წლისა, მთელი ქონების ან ნაწილის კონფისკაციით, ან უამშადევგოთ.

მოსამსახურეთ ჩაითვლება ყველა ის, ვინც სახელმწიფო ან საზოგადოებრივ სამსახურის გამო ასრულებს რაიმე მოვალეობას, ან დროებითს მინდობილებას, როგორც თანამდებობის პირი, ან მილიციის თუ სხვა გვარი დარაჯი.

2. ხელისუფლების გადამეტებად არ ჩაითვლება, როცა მოსამსახურე რაიმე არა ჩვეულებრივი გარეგნობაში დაუშვებს სამსახურის გამო ისეთს მოქმედებას, რომლის შესრულება ნებადართული არ არის კანონით ან მასზე დავალებული მინდობილობით, მაგრამ რომელიც საჭიროა სახელმწიფოებრივი სარგებლობისათვის და მისი ნებართვის მიღებამდე გადადება შეუძლებელია ისე, რომ სამსახურის საქმეს საფრთხე ან ზიანი არ მოუვიდეს.

3. მოსამსახურე, რომელიც განზრახ შეუშლის ხელს მეორე მოსამსახურეს, რომ მან თავისი სამსახურის მოვალეობა ასრულოს, დასჯება: დატუსაღებით და ჯამაგირიდან გამორიცხვით, ან თანამდებობიდან გადაყენებით, ან უამშედევგებოთ.

4. მოსამსახურე, რომელსაც დავალებული აქვს კანონით, ან საგანგებო მინდობილობით, ან თვითონ სამსახურის ხასიათით, წინასწარი ზოჩების მიღება იმ ზიანის წინააღმდეგ, რომელიც ემუქრება მართველობის წესს, ან სახელმწიფო, საზოგადო თუ კერძო ინტერესს, უკეთეს დამნაშავე აღმოჩნდება სამსახურის მოვალეობის მიუხედავად ზომების მიუღებლობაში, ან ისეთი მოქმედების შესრულებლობაში, რომლითაც ასეთი ზიანი აშორებული იქნებოდა, ასეთის უმოქმედობისათვის, უკეთეს ის ჩადენილია განზრახ ან დაუღვერობით და მისგან წარმოსდგა თვალსაჩინო ზიანი მართვა-გამგეობის წესის ან სახელმწიფო, საზოგადო თუ კერძო ინტერესისათვის, დასჯება: დატუსაღებით და ჯამაგირიდან გამორიცხვით, ან თანამდებობიდან გადაყენებით, ან უამშედევგებოთ.

უკეთეს ასეთი უმოქმედობა ჩადენილია განზრახ და მისგან წარმოსდგა მნიშვნელოვანი ზიანი მართვა-გამგეობის წესის ან სახელმწიფო, საზოგადო თუ კერძო ინტერესისათვის, ან ასეთის ზიანის საფრთხე დაიბადა, ან უკეთეს ეს უმოქმედობა ჩადენილია ანგარების მიზნით, დამნაშავე დასჯება:

ტუსაღთა გამასწორებელ რაზმში გაგზავნით არა უმეტეს სამი წლისა, ან ციხეში დამწყვედევით; სამსახურიდან გამორიცხვით, ან უამშედევგებოთ.

უკეთეს ასეთ ანგარებით გამოწვეულ უმოქმედობისაგან წარმოსდგა მნიშვნელოვანი ზიანი სახელმწიფო, საზოგადო ან კერძო ინტერესისათვის, ან ასეთის ზიანის საფრთხე დაიბადა, დამნაშავე დასჯება ტუსაღთა გამასწორებელ რაზმში გაგზავნით.

5. მოსამსახურე, რომელიც დამნაშავეა იმაში, რომ მიუხედავად სამსახურის მოვალეობისა არ მიიღო ზომები კანონის გამოსაქვეყნებ-

ლად, ან სისრულეში მოსაყვანად, ასეთის უმოქმედობისათვის, უკეთეს მოხდა განზრახ ან დაუდევრობით და ამან გამოიწვია მნიშვნელოვანი ზიანი მართვა-გამგეობის წესის ან სახელმწიფო, საზოგადო, ან კერძო ინტერესისათვის, დაისჯება: ციხეში დამწყვედევით და სამსახურიდან გამორიცხვით, ან უამშედევით.

უკეთეს ხელისუფალის ასეთი უმოქმედობა დაშვებულია განზრახ და ამისგან წარმოსდგა მნიშვნელოვანი ზიანი მართვა-გამგეობის წესის ან სახელმწიფო, საზოგადო თუ კერძო ინტერესისათვის, ან ასეთის ზიანის საფრთხე დაიბადა, ან უკეთეს ხელისუფალის მიერ უმოქმედობა ჩადენილია ანგარების მიზნით, დამნაშავე დაისჯება ტუსაღთა გამასწორებელ რაზმში გაგზავნით.

უკეთეს ასეთის ანგარებით გამოწვეულ უმოქმედობისაგან წარმოსდგა მნიშვნელოვანი ზიანი მართვა-გამგეობის წესის ან სახაზინო, საზოგადო თუ კერძო ინტერესისათვის, ან ასეთის ზიანის საფრთხე დაიბადა, დამნაშავე დაისჯება ვადიანი კატორღით.

6. მოსამსახურე, დამნაშავე იმაში, რომ მიუხედავად მისი სამსახურის მოვალეობისა, არ მიიღო ზომა სავალდებულო დადგენილებების გამოსაქვეყნებლად, ასეთის უმოქმედობისათვის, უკეთეს ის ჩადენილია განზრახ ან დაუდევრობით და მისგან წარმოსდგა მნიშვნელოვანი ზიანი მართვა-გამგეობის წესის, ან სახაზინო [თუ კერძო ინტერესისათვის, დაისჯება: დატუსაღებით და ჯამაგირიდან გამორიცხვით, ან თანამდებობიდან დათხოვნით, ან უამშედევით.

უკეთეს ხელისუფალის უმოქმედობა ჩადენილია განზრახ და ამისგან წარმოსდგა მნიშვნელოვანი ზიანი მართვა-გამგეობის წესის ან სახაზინო, საზოგადო თუ კერძო ინტერესისათვის ან ასეთის ზიანის საფრთხე დაიბადა, ან უკეთეს ხელისუფალის უმოქმედობა ჩადენილია ანგარებით, დამნაშავე დაისჯება:

ციხეში დამწყვედევით და სამსახურიდან-დათხოვნით, ან უამშედევით.

უკეთეს ასეთი ანგარებით გამოწვეულ უმოქმედობისაგან წარმოსდგა თვალსაჩინო ზიანი მართველობის წესის ან სახაზინო, საზოგადო თუ კერძო ინტერესისათვის ან ასეთის ზიანის საფრთხე დაიბადა, დამნაშავე დაისჯება: ტუსაღთა გამასწორებელ რაზმში გაგზავნით.

7. მოსამსახურე, რომელიც დამნაშავეა იმაში, რომ

1) არ მიიღო მისთვის სავალდებულო ზომა ისეთის ბრძანების, ან მოწერილობის ასასრულებლად, რომელიც ეკუთვნის დამნაშავეზე მალლა მდგომ დაწესებულებას, ან მოსამსახურეს;

2) მიუხედავად მისის სამსახურის მოვალეობისა მიღებულ ქალაქის შესახებ არ აცნობა თავის უფროსს ან იმ დაწესებულებას, რომელშიაც ის მსახურობს, ასეთის უმოქმედობისათვის, უკეთეს ის დაშვებულია განზრახ, ან დაუდევრობით და მისგან წარმოსდგა მნიშვნელოვანი

ზიანი მართვა-გამგეობის წესის ან სახაზინო, საზოგადო თუ კერძო ინტერესისათვის, დაისჯება: დატუსაღებით და ჯამაგირიდან გამორიცხვით, ან თანამდებობიდან დათხოვნით, ან უამშედევით.

უკეთუ ხელისუფალის უმოქმედობა ჩადენილია განზრახ და ამისგან წარმოსდგა მნიშვნელოვანი ზიანი მართვა-გამგეობის წესის ან სახაზინო, საზოგადო თუ კერძო ინტერესისათვის, ან ასეთის ზიანის საფრთხე დაიბადა, ან უკეთუ ეს უმოქმედობა ჩადენილია ანგარებით, დამნაშავე დაისჯება ციხეში დამწყვედევით არა უმეტეს ერთი წლისა და სამსახურიდან დათხოვნით, ან უამშედევით.

უკეთუ ასეთის ანგარებით გამოწვეული უმოქმედობისაგან წარმოსდგა მნიშვნელოვანი ზიანი მართველობის წესისა, ან სახაზინო, საზოგადო თუ კერძო ინტერესისათვის, ან ასეთის ზიანის საფრთხე დაიბადა, დამნაშავე დაისჯება: ციხეში დამწყვედევით და სამსახურიდან დათხოვნით, ან უამშედევით.

8. მოსამსახურე, რომელიც დამნაშავე აღმოჩნდება იმაში, რომ არ შეუსრულებია თავისი მოვალეობა, რომლითაც მას დავალებული აქვს თვალ-ყურის დევნება, რომ კანონით ან სავალდებულო დადგენილებით გამოცემული წესები ხალხის ჯანმრთელობის დაცვისათვის სრულდებოდეს, დაისჯება: დატუსაღებით არა უმეტეს სამი თვისა ან ჯარიმის გადახდევინებით არა უმეტეს 1000 მანეთისა და თანამდებობიდან დათხოვნით, ან უამშედევით.

უკეთუ დადგენილი წესების აუსრულებლობა ეხება ხალხის ჯანმრთელობის დამცველ ზომებს გადამდებ სენისაგან, დამნაშავე დაისჯება: დატუსაღებით ან დაჯარიმებით 2000 მანეთამდე და თანამდებობიდან დათხოვნით, ან უამშედევით.

უკეთუ დადგენილი წესების აუსრულებლობა მოხდა ისეთ ადგილას, რომლისთვისაც კანონის მიერ ნაჩვენები გზით შემოღებულია მოქმედება საგანგებო წესებისა, რომელიც გამოიცემა განსაკუთრებით საშიში გადამდები სუნის დროს, დამნაშავე აღნიშნულ წესების დარღვევაში, უკეთუ მათი დარღვევისათვის ნაჩვენები არ არის სხვა უდიდესი პასუხისგება, დაისჯება: ტუსაღთა გამასწორებელ რაზმში გაგზავნით, ან ციხეში დამწყვედევით.

9. მოსამსახურე, რომელიც დამნაშავე აღმოჩნდება იმაში, რომ არ შეუსრულებია თავისი მოვალეობა, რომლითაც მას დავალებული აქვს თვალყურის დევნება, რომ კანონი, ან სავალდებულო დადგენილებით გამოცემული წესები სოფლის მცხოვრებთათვის სურსათისა და თესლის მოპოვებისა და დახმარების უზრუნველყოფისა სისრულეში მოდიოდეს, დაისჯება: დატუსაღებით ან დაჯარიმებით არა უმეტეს ორი ათასი მანეთისა და თანამდებობიდან დათხოვნით ან უამშედევით.

10. მოსამსახურე, რომელიც დამნაშავეა იმაში, რომ არ შეუსრულებია თავისი მოვალეობა, რომლითაც მას დავალებული აქვს თვალ-

ყურის დევნება, რომ სრულდებოდეს კანონით ან სავალდებულო დადგენილებით გამოცემული წესები წინასწარი ზომებისა:

1) წინააღმდეგ შინაურ ცხოველების, სამეურნეო მცენარეთა და ხეხილთა ავადმყოფობისა;

2) წინააღმდეგ ისეთის ცხოველებისა და მწერების გავრცელებისა, რომელიც საზიანოა სასოფლო-სამეურნეო მცენარეულობისა და ხეხილსათვის, დაისჯება: დატუსაღებით არა უმეტეს ოთხი თვისა ან ჯარიმით არა უმეტეს ხუთასი მანეთისა და თანამდებობიდან დათხოვნით, ან უამშედევით.

11. მოსამსახურე, რომელიც დამნაშავე იქნება იმაში, რომ თავის მოვალეობის უცოდინარობით, ან დაუდევრობით უკანონოდ მოაუსპობს ვისმეს პირად თავისუფლებას დაჭერით, ციხეში დამწყვდევით, თავისუფლების წართმევის ვადის გაგრძელებით, ან თავისუფლების შემზღველი სხვა უფრო მძიმე სახით, — დაისჯება: დატუსაღებით და ჯამაგირიდან გამორიცხვით და თანამდებობიდან დათხოვნით, ან უამშედევით.

12. მოსამსახურე, რომელიც დამნაშავე იქნება კანონის მიერ დაუშვებელი წესით გაჩხრეკასა, დათვალიერებასა ან ნივთების ჩამორთმევაში, დაისჯება: დატუსაღებით ან ციხეში დამწყვდევით.

უკეთუ დამნაშავემ ამ დროს მიმართა ძალადობას პირადობის წინააღმდეგ ან დასასჯელ მუქარას, დაისჯება: ტუსაღთა გამასწორებელ რაზმში გაგზავნით ან ციხეში დამწყვდევით.

უკეთუ დამნაშავემ მოახდინა გაჩხრეკა, დათვალიერება ან ნივთების ჩამორთმევა, თუნდაც სახლის პატრონის ან მისი მოადგილის ნებართვით, მაგრამ არა კანონის ძალით, არამედ მოგონილი საბუთით, ვითომდა სამსახურის მოვალეობის ასასრულებლად, დაისჯება: ტუსაღთა გამასწორებელ რაზმში გაგზავნით ან ციხეში დამწყვდევით.

უკეთუ დამნაშავემ მოახდინა გაჩხრეკა, დათვალიერება და ნივთების ჩამორთმევა არა კანონიერის გზით, არამედ გამოგონილ საბუთით, ვითომდა სამსახურის მოვალეობის ასასრულებლად, და ამისთვის მიმართა ძალადობას პიროვნების წინააღმდეგ ან დასასჯელ მუქარას, დაისჯება: ტუსაღთა გამასწორებელ რაზმში გაგზავნით ან ციხეში დამწყვდევით და მთელი ქონების, ან მისი ნაწილის ჩამორთმევით.

13. მოსამსახურე პირი, რომელიც მოახდენს დედაკაცის სირცხვილის გრძნობის შეურაცხყოფეულ გასინჯვას მის ნებადაურთველად ან კანონიერ მინდობილობის უქონლად, დაისჯება: ტუსაღთა გამასწორებელ რაზმში გაგზავნით ან ციხეში დამწყვდევით და სამსახურიდან გამორიცხვით, ან უამშედევით.

უკეთუ დამნაშავემ მოახდინა ასეთი გასინჯვა, თუნდაც გასინჯულის ნებართვით, მაგრამ არა კანონიერის, არამედ გამოგონილი საბუთით, ვითომდა სამსახურის მოვალეობის ასასრულებლად, დაისჯება: გამასწორებელ სახლში მოთავსებით.

14. მოსამსახურე, რომელიც გამოააშკარავებს მთავრობის ისეთ განკარგულებას, ცნობას თუ დოკუმენტს, რომელიც მან გაიგო, როგორც სამსახურში მყოფმა პირმა, ან თავის თანამდებობის უფლებებით ბოროტად სარგებლობის გამო, და რომელიც საიდუმლოდ უნდა ყოფილიყო დაცული, დაისჯება: დატუსაღებით და ჯამაგირიდან გამორიცხვით და თანამდებობიდან დათხოვნით, ან უამშედევით.

ამავე სასჯელით დაისჯება აგრეთვე ფოსტა-ტელეგრაფის მოსამსახურე; რომელიც დამნაშავე აღმოჩნდება ტელეგრაფის ან ფოსტის კორესპონდენციის შინაარსის გამოქვეყნებაში, ან სხვისთვის გადაცემაში.

უკეთუ გამოქვეყნებას შეეძლო გამოეწვია მნიშვნელოვანი ზიანი მართველობის წესისა ან სახაზინო, საზოგადო თუ კერძო ინტერესისათვის, დამნაშავე დაისჯება: ციხეში დამწყვდევით.

უკეთუ დამნაშავის მიერ გამოქვეყნებული შეადგენს ისეთ საიდუმლოებას, რომელიც ეხება საქართველოს საგარეო მდგომარეობას, და ამისთვის სასჯელი არ მოეღოს როგორც დალატისათვის, დაისჯება: გამასწორებელ სახლში ან ციხეში დამწყვდევით და სამსახურიდან გამორიცხვით, ან უამშედევით.

15. მოსამსახურე, რომელიც გამოააშკარავებს სამსახურის ან მინიჭებულ უფლებებით ბოროტად სარგებლობის გამო შეტყობილ საიდუმლოებას, რომელიც ეხება:

1) სახელმწიფო საკრედიტო ქაღალდების დასამზადებელ საშუალებებს ან ამ ქაღალდების ფარულ ნიშნებს;

2) მთავრობის ან კერძო პირის ხელში მყოფ ფარულ საშუალებას რაიმე საგნების ან სამუშაოს წარმოებისას;

3) სახაზინო ან საზოგადო საქმეზედ დანიშნულ საჯარო ვაჭრობას, რომელიც ხდება დახურულ განცხადებებით;

4) ცნობას, რომლის გამოქვეყნებას შეუძლია სახელი გაუტეხოს იმ პირს, რომელსაც ის ეხება;

5) შინაარსს იმ აქტისას, რომელიც შესრულებულია მასში მონაწილე პირთა სურვილისამებრ ისე, რომ მოწმებს ეს შინაარსი არ ეცნობოს, იმ წესით, რომელიც აღნიშნულია ნოტარიალურ ნაწილის დებულებაში, დაისჯება: პირველ მუხლში ნაჩვენებ შემოხვევაში ციხეში დამწყვდევით არა ნაკლებ ექვსი თვისა, დანარჩენ შემთხვევაში სამსახურიდან გამორიცხვით.

16. მოსამსახურე პირი, რომელიც აიღებს ქრთამს ისეთი საქმის გაკეთებისათვის, რომელიც მისი სამსახურის მოვალეობას შეადგენს, დაისჯება: ციხეში დამწყვდევით არა ნაკლებ ექვსი თვისა.

უკეთუ მოსამსახურემ აიღო ქრთამი, რომელიც მას წინაწინ მისცეს ასეთი საქმის გასაკეთებლად, დაისჯება: ტუსაღთა გამასწორებელ რაზმში გაგზავნით ან ციხეში დამწყვდევით არა ნაკლებ რვა თვისა.

უკეთუ მოსამსახურეს შეაძლევდნ ქრთამს ან იმისთვის, რომ დანაშაული ან მცირე დანაშაული ჩაადენინონ მის სამსახურის საქმეში, ან უკვე ჩადენილ დანაშაულობისათვის, და ის ამ ქრთამს აიღებს, დაისჯება: ტუსაღთა გამასწორებელ რაზმში გაგზავნით და მთელი ქონების ან მისი ნაწილის კონფისკაციით, ან უამშედევით.

17. უკეთუ მოსამსახურე თითონ მოითხოვს და აიღებს ქრთამს ისეთის მოქმედებისათვის, რომელიც მისი სამსახურის მოვალეობას შეადგენს, დაისჯება: ტუსაღთა გამასწორებელ რაზმში გაგზავნით ან ციხეში დამწყვედევით არა ნაკლებ ერთი წლისა და ოთხი თვისა.

უკეთუ მოსამსახურემ მოითხოვა და აიღო ქრთამი სამსახურის დროს დანაშაულის ან მცირე დანაშაულის ჩასადენად, ან უკვე ჩადენილ ასეთ დანაშაულისათვის, დაისჯება: ტუსაღთა გამასწორებელ რაზმში გაგზავნით და მთელი ქონების ან მისი ნაწილის კონფისკაციით, ან უამშედევით.

უკეთუ მოსამსახურემ მიიღო ქრთამი სამსახურის გამო სხვისი შევიწროების ან მუქარის შემწეობით, დაისჯება ტუსაღთა გამასწორებელ რაზმში გაგზავნით და მთელი ქონების ან მისი ნაწილის კონფისკაციით.

მოთხოვნა ქრთამისა დანაშაულის ჩადენის ცდად ჩათვლება.

18. მოსამსახურე, რომელიც თავის სასარგებლოდ დააწესებს ან აიღებს უკანონო გადასახადს, დაისჯება: ციხეში დამწყვედევით არა ნაკლებ რვა თვისა.

უკეთუ დამნაშავე აკრებს ასეთს გადასახადს სამსახურის გამო სხვისი შევიწროებით ან მუქარით, დაისჯება: ტუსაღთა გამასწორებელ რაზმში გაგზავნით.

დაისჯება დანაშაულის ჩადენის ცდაც.

19. სასამართლოს განსაზღვრული სესიის ნაფიც მსაჯულთა სიაში შეტანილი და აგრეთვე ნაფიც მსაჯულთა შემადგენლობაში შესული პირი, დამნაშავე იმაში, რომ აიღო მის მიერ მოთხოვნილი ან შეძლეული ქრთამი, რომელიც მიცემული იყო იმ საქმისათვის, რომლის გარჩევა მას მოუხდება როგორც ნაფიც მსაჯულს, დაისჯება:

ტუსაღთა გამასწორებელ რაზმში გაგზავნით არა უმეტეს სამი წლისა.

20. მოსამსახურე, რომელიც ქრთამის ამღებს დაეხმარება 16—19 მუხლებში აღნიშნულ ქრთამის აღებაში ქრთამის გადაცემით, მის თავისი სახელით მიღებით ან სხვა გვარი შუაკაცობით, დაისჯება როგორც დამხმარე.

21. მოსამსახურე, რომელიც დამნაშავე იქნება:

1) იმ საჩუქრის მითვისებაში, რომელიც მას მისცეს გადასაცემად, ან მიიღო ვითომდა მეორე მოსამსახურისათვის გადასაცემად;

2) რომ მითვისების მიზნით აიღო ქრთამი მეორე მოსამსახურის სახელით, დაისჯება: ტუსაღთა გამასწორებელ რაზმში გაგზავნით.

22. მე-16—21 მუხლში აღნიშნული დანაშაულისათვის გამტყუნებულს საჩუქარი ჩამოერთმევა, ხოლო თუ ის მასთან არ აღმოჩნდა, გადახდება მისი ღირებულება; უკეთეს სასამართლო სცნობს, რომ საჩუქარი იძულებით იყო გამოერთმეული, იგი უნდა დაუბრუნოს პატრონს; უკეთეს ქრთამი გამოიხატება რაიმე უფლების გადაცემაში, ეს უფლება გაუქმებულად ჩაითვლება.

23. მოსამსახურე, რომელსაც მინდობილი ჰქონდა სამშენებლო მუშაობისათვის ყურისგდება, დამნაშავე იმაში, რომ შეგნებულად დაუშვა უვარგის მასალის ნშარება ან ტექნიკური წესები არ შეასრულა, უკეთეს ასეთის მოქმედებისაგან წარშოსდგა დანგრევა მთელი შენობისა და მოწყობილობის, ან მისი ნაწილის, დაისჯება: ციხეში დამწყვედევით და სამსახურიდან გამორიცხვით, ან უამშედევით.

ამავე სასჯელით დაისჯება აგრეთვე შენობის ან მოწყობილობის მიმღები დამნაშავე იმაში, რომ მან იცოდა, რომ შენობა ან მოწყობილობა უვარგის მასალიდან იყო გაკეთებული, ან ტექნიკურ წესების დარღვევით, მაგრამ მაინც მიიღო შენობა და შემდეგ ის მთლად, ან მისი ნაწილი დაინგრა.

24. მოსამსახურე, დამნაშავე იმაში, რომ მიიღო მითვისების მიზნით გამოთხოვილი არაკუთვნილი გადასახადი, ვითომდა კანონის, ან სავალდებულო დადგენილების, ან საჯარო ვაჭრობის პირობით ხაზინასთან დადებულ ხელშეკრულობის ასასრულებლად, ან როგორც სამსახურისათვის დაწესებული საფასური, დაისჯება ტუსაღთა გამასწორებელ რაზმში გაგზავნით არა უმეტეს სამი წლისა:

უკეთეს ამასთან მოხდა ქონების დაკავება ან მისი გაყიდვა, დამნაშავე დაისჯება: ტუსაღთა გამასწორებელ რაზმში გაგზავნით.

დაისჯება დანაშაულის ჩადენის ცდაც.

25. მოსამსახურე, დამნაშავე იმაში, რომ შევიწროებით თუ მუქარით ან სამსახურის უფლებით, სხვა გვარ ბოროტ-მოქმედებით აიძულა ვინმე თავისთვის ან სხვისთვის შეესრულებია უფასოდ თუ შეუსაბამოდ დაბალ ფასებში არა კუთვნილი სავალდებულო სამუშაო ან ნატურალური ბეგარა, დაისჯება: ციხეში დამწყვედევით არა ნაკლებ ერთი წლისა და სამსახურიდან გამორიცხვით, ან უამშედევით.

დაისჯება დანაშაულის ჩადენის ცდაც.

26. მოსამსახურე, რომელიც დამნაშავეა იმაში, რომ

1) არ ასრულებს ანგარიშის წარმოების, ფულის ან სხვა გვარ ქონების მიღების, შენახვის და გაცემის წესებს;

2) არღვევს იმ წესს, რომელიც შემოღებულია საანგარიშო წიგნების წარმოებისათვის;

3) არ მისდევს იმ წესებს, რომელიც შემოღებულია იმ წიგნებისთვის და რომელიც დაწესებულია სხვა-და-სხვა გვარ საქმის ჩასაწყე-

რად, და აგრეთვე იმ წიგნებისათვის, რომელიც დაწესებულია უძრავ ქონების უფლების გადაცემის ან შეზღუდვის აღსანიშნავად,

უკეთუ აღნიშნული მოქმედებანი ჩადენილია განზრახ, ან თუმცა არა განზრახ, მაგრამ მათ მოჰყვა სამსახურის აღნიშნულ დარგის არევა და მნიშვნელოვანი ზიანი მართველობის წესისა, ან სახაზინო, საზოგადო თუ კერძო ინტერესისათვის, დაისჯება: დატუსაღებით და ჯამაგირიდან გამორიცხვით და თანამდებობიდან დათხოვნით, ან უამშედევოთ.

უკეთუ ეს დანაშაულობანი ჩადენილია ანგარების სურვილით, დამნაშავე დაისჯება: ციხეში დამწყვედვით არა ნაკლებ ექვსი თვისა.

27. მოსამსახურე, რომელიც დამნაშავე იქნება იმაში, რომ:

1) შეადგენს ისეთ დოკუმენტს, სადაც აშკარა სიყალბით იქნება აღნიშნული ის გარემოება, რომელსაც ეს დოკუმენტი ამოწმებს;

2) აშკარა ყალბ ცნობებს მოათავსებს იმ წიგნებში, რომელიც შემოღებულია ფულის თუ რომელიმე სხვა ქონების ან მართველობის წესისთვის საჭირო სხვა რაიმე საგნების ჩასაწერად, დაისჯება:

ტუსაღთა გამასწორებელ რაზმში გაგზავნით.

28. მოსამსახურე, დამნაშავე იმაში, რომ სამსახურის დაუდევრობის გამო შეატყობინა ან დაადასტურა სიტყვიერად თუ წერილობით არა სწორი ცნობა, რომლისაგანაც წარმოსდგა მნიშვნელოვანი ზიანი მართველობის წესისა და სახაზინო, საზოგადო თუ კერძო ინტერესისათვის, დაისჯება:

დატუსაღებით და ჯამაგირიდან გამორიცხვით, ან თანამდებობიდან დათხოვნით ან უამშედევოთ.

29. მოსამსახურე, დამნაშავე იმაში, რომ სამსახურის დროს წერილობით თუ სიტყვიერად მისცა ყალბი ცნობა, უკეთუ ამით მიიყენა მართველობის წესს ან სახაზინო, საზოგადო თუ კერძო ინტერესს თვალსაჩინო ზიანი, დაისჯება ციხეში დამწყვედვით.

უკეთუ ეს დანაშაული ჩადენილია იმისთვის, რომ ამით აშკარა უდანაშაულო პირის გამტყუნება ან ექვსი ქვეშ დაყენება გამოეწვია, დამნაშავე დაისჯება ტუსაღთა გამასწორებელ რაზმში გაგზავნით.

30. მოსამსახურე, რომელიც თავის დროზე არ ჩასწერს წიგნში, ან თავის დროზე არ გაგზავნის ფულს ან სხვა საგნებს, რომელთა ჩაწერა და გაგზავნა მისი სამსახურის მოვალეობას შეადგენს, უკეთუ ეს მოქმედება ჩადენილია განზრახ, გარდა ფულის გადახდევინებისა, რაც საანგარიშო წესდებაშია აღნიშნული, დაისჯება: დატუსაღებით და სამსახურიდან გამორიცხვით ან თანამდებობიდან დათხოვნით, ან უამშედევოთ.

უკეთუ ეს დანაშაული ჩადენილია ანგარების სურვილით, დამნაშავე დაისჯება: ციხეში დამწყვედვით არა ნაკლებ ექვსი თვისა, სამსახურიდან გამორიცხვით, ან უამშედევოთ.

31. უკეთუ ნოტარიუსი ან სხვა მოსამსახურე, რომელსაც კანო-

ნით მინდობილი აქვს აქტის შესრულება, შემოწმება, ან დამტკიცება, დამნაშავეა ისეთის აქტის შესრულებაში ან დამტკიცებაში, რომელიც აკრძალულია კანონით, დაისჯება:

დატუსაღებით და ჯამაგირიდან გამორიცხვით და თანამდებობიდან დათხოვნით, ან უამშედევით.

ამავე სასჯელით დაისჯება მოსამსახურე, რომელიც აღნიშნულ აქტის შედგენაში მონაწილეობდა როგორც სახაზინო ან საზოგადო დაწესებულების წარმომადგენელი.

32. მოსამსახურე, რომელიც სამსახურის გამო ვალდებულია რომელიმე მოქმედება შეასრულოს და ამ მოქმედების შესრულების დროს განზრახ დაარღვევს კანონის მიერ შემოღებულ ისეთს წესს, რომლის დარღვევა თვით ამ მოქმედებას აბათილებს, დაისჯება:

დატუსაღებით ან ციხეში დამწყვდევით და სამსახურიდან გამორიცხვით ან თანამდებობიდან გადაყენებით, ან უამშედევით.

უკეთუ აღნიშნულ წესების დარღვევა მოხდა ანგარების სურვილით, დაისჯება: ციხეში დამწყვდევით არა ნაკლებ ექვსი თვისა და სამსახურიდან გამორიცხვით, ან უამშედევით.

33. უფროსი ან უმცროსი ნოტარიუსი ან სხვა მოსამსახურე, რომელსაც კანონით მინდობილი აქვს შესრულება, დამოწმება და დამტკიცება აქტისა, დამნაშავე ისეთ ფორმების დარღვევაში, რომელიც იწვევს დამოწმების გაუქმებას და ან თვით აქტს უკარგავს აქტის ძალას, უკეთუ ეს დარღვევა ჩადენილია იმ მიზნით, რომ აღნიშნულ აქტს ძალა დაეკარგოს, დაისჯება:

ციხეში დამწყვდევით არა ნაკლებ ექვსი თვისა.

უკეთუ ეს დანაშაული ჩადენილია ანგარების სურვილით, დამნაშავე დაისჯება:

ტუსაღთა გამასწორებელ რაზმში გაგზავნით არა ნაკლებ სამი თვისა.

34. ფოსტა-ტელეგრაფის დაწესებულებაში მოსამსახურე, დამნაშავე იმაში, რომ

1) მოსპო, დამალა ან მიითვისა საფოსტო კორესპონდენცია თუ ტელეგრაფა, ან დაავიანა მისი გადაგზავნა ან მიცემა;

2) დაამახინჯა საფოსტო კორესპონდენციის თუ ტელეგრაფის წერილობითი შინაარსი;

3) გამოაქვეყნა ან ვინმეს შეატყობინა ტელეგრაფის ან დახურული საფოსტო კორესპონდენციის შინაარსი, თუნდაც სამსახურისათვის თავის დანებების შესდევ, ან გადასცა ეს ტელეგრაფა და საფოსტო კორესპონდენცია არა სათანადო პირს იმ მიზნით, რომ უკანასკნელს მისი შინაარსი გაეგო;

4) გახსნა საფოსტო კორესპონდენცია ან ტელეგრაფა, უკეთუ ეს ჩადენილია ანგარების მიზნით და დამნაშავეს ამისათვის არ შოელის

სხვა უფრო დიდი სასჯელი, დაისჯება: პირველი და მეორე პუნქტით აღნიშნულ შემთხვევაში ტუსალთა გამასწორებელ რაზმში გაგზავნილი არა უმეტეს სამი წლისა, დანარჩენ შემთხვევებში ციხეში დამწყვედვით და სამსახურიდან გამორიცხვით, ან უამშედევით.

დაისჯება დანაშაულის ჩადენის ცდაც.

ამავე წესით და ამავე სასჯელით დაისჯება ფოსტა-ტელეგრაფის მოსამსახურე, რომელიც დაუშვებს, რომ ამ მუხლში აღნიშნული დანაშაული სხვა მოსამსახურემ ჩაიდინოს.

35. მოსამსახურე, რომელიც კანონის მიერ აკრძალული და მისი თანამდებობისათვის შეუფერებელი ქონებრივი ხასიათის საქმიანობას მოეკიდება, დაისჯება:

დატუსალებით და ჯამაგირიდან გამორიცხვით, ან თანამდებობიდან დათხოვნით, ან უამშედევით.

ამავე სასჯელით დაისჯება ის მოსამსახურე, რომელიც მისი თანამდებობისათვის შეუფერებელ მრეწველობას, ვაჭრობას ან სხვა ქონებრივ ხასიათის საქმეს ან კერძო მინდობილობის ასრულებას დაივალვებს, როცა ეს კანონით აკრძალული აქვს, ან როცა უფროსის ნებართვაა საჭირო და ასეთი ნებართვა მას მიცემული არა აქვს.

36. მოსამსახურე, რომელსაც მინდობილი აქვს სამეურნეო საქმეების ყურისგდება ან საიჯარო და მის მავნარ ხელშეკრულობის დადება, დამტკიცება და შესრულება, ან საიჯარო ვაჭრობის მოხდენა, ან აღნიშნულ მოქმედების შესრულებისათვის ყურისგდება, და რომელიც დამნაშავე იქნება იმაში, რომ ამ ხელშეკრულობაში კანონის მიერ აკრძალულ მონაწილეობას მიიღებს ან ხელშეკრულობისათვის გირაოს შეიტანს თვითონ, ან თავის ცოლის ან სხვა პირის სახელით, დაისჯება:

ციხეში დამწყვედვით არა ნაკლებ ექვსი თვისა და სამსახურიდან გამორიცხვით, ან უამშედევით.

შეტანილი გირაო დამნაშავეს ჩამოერთმევა.

37. მოსამსახურე, რომელიც დამნაშავეა იმაში, რომ

1) ზომას და სასწორს ბეჭედი დაასვა, თუმცა იცოდა, რომ ის სწორი არ იყო;

2) ნაწარმოებს, რომლის შემოწმება საჭიროა, ყალბი აიარი (პრობა) დაადო, დაისჯება: ციხეში დამწყვედვით და სამსახურიდან გამორიცხვით, ან უამშედევით.

38. მოსამსახურე, რომელსაც დავალებული აქვს, რომ სანოვაგეს ან სხვა საქონელს დაასვას ნიშანი იმის დასამოწმებლად, რომ ის ჯანმთელობისათვის მავნე არ არის, და ასეთ ნიშანს დაასვამს შეუპოვებლად, დაისჯება:

დატუსალებით და ჯამაგირიდან გამორიცხვით ან თანამდებობიდან გადაყენებით, ან უამშედევით.

უკეთუ ასეთს ნიშანს დაასვამს ჯანმთელობისათვის მანენ სანოვანს ან სხვა საქონელს, დაისჯება:

ციხეში დამწყვდევით.

39. მოსამსახურე, რომელიც მიითვისებს მინდობილ სახელმწიფო ან საზოგადოებრივ მოძრავ ქონებას, დაისჯება:

ციხეში დატუსაღებით არა ნაკლებ ექვსი თვისა;

უკეთუ მიითვისებული ქონების ღირებულება აღემატება ორი ათასს მანეთს, დამნაშავე დაისჯება:

ტუსაღთა გამასწორებელ რაზმში გაგზავნით;

უკეთუ მიითვისებული ქონების ღირებულება არ აღემატება ხუთს მანეთს, ან უკეთუ დამნაშავე თავის ხელით დააბრუნებს მიითვისებულ ქონებას ან სხვა გზით დააკმაყოფილებს დაზარალებულს, სანამ სასამართლოს განაჩენი ან გარდაწყვეტილება იქნებოდეს გამოცხადებული, დაისჯება:

ციხეში დამწყვდევით არა უმეტეს ექვსი თვისა;

უკეთუ დამნაშავე ამ მუხლის მესამე ნაწილში აღნიშნულ მითვისებას ჩაიდენს მოუფიქრებლად, დაისჯება:

დატუსაღებით და ჯამაგირიდან გამორიცხვით და თანამდებობიდან დათხოვნით, ან უამშედევით.

40. რწმუნებული, რომელსაც მთავრობის, ან საზოგადოებრივი ორგანიზაციის მიერ მინდობილი აქვს ცეცხლისა ან სურსათის ნაკლებობისა თუ სხვა გვარ სახალხო უბედურობისაგან დაზარალებულთათვის დახმარების აღმოჩენა, და დამნაშავე აღმოჩნდება იმაში, რომ

1) მიითვისა ქონება, რომელიც დაზარალებულთათვის უნდა დარიგებინა;

2) ანგარების მიზნით მისცა დაზარალებულისთვის დასარიგებელ ქონებიდან დახმარება ისეთ პირს, რომელსაც ის არ ეკუთვნოდა, დაისჯება:

ტუსაღთა გამასწორებელ რაზმში გაგზავნით.

41. მთავრობის მიერ ნებადართულ საქველმოქმედო ან საკრედიტო დაწესებულებაში, საურთიერთო დამზღვევ, პაეზზე დამყარებულ ან სააქციონერო საზოგადოებაში მოსამსახურე პირი, რომელიც დამნაშავეა იმაში, რომ თავის სამსახურის მდგომარეობა მოიხმარა მინდობილი ქონების ან საზოგადო ინტერესის საზიანოდ და ასეთის მოქმედებისაგან წარმოსდგა ზიანი, დაისჯება:

ტუსაღთა გამასწორებელ რაზმში გაგზავნით და მთელი ქონების ან მისი ნაწილის კონფისკაციით.

ხოლო უკეთუ ზიანის სიდიდისა გამო მნიშვნელოვანი ზარალი მიეცა ხაზინას, ან ამას მოჰყვა საკრედიტო დაწესებულების საქმეთა დაშლა, ან მრავალ პირთა ქონების განადგურება, დამნაშავე დაისჯება: კატორღით, ან მთელი ქონების ან ნაწილის კონფისკაციით.

ამავე სასჯელით და ამ მუხლში აღნიშნულ წესით დაისჯებოდნენ ზემოხსენებული პირები, რომელნიც დამნაშავე იქნებიან მათი მზრუნველობის ქვეშ მყოფ ქონების მითვისებაში.

ამ უკანასკნელ შემთხვევაში დაისჯება აგრეთვე დანაშაულის ჩადენის ცდაც.

42. ამ კანონში აღნიშნული სასჯელი დაიდება შემდეგი ვადით:

ა) კატორღა ოთხიდან თხუთმეტ წლამდე;

ბ) ტუსალთა გამასწორებელი რაზმი წელიწად ნახევრიდან ექვს წლამდე;

გ) ციხეში დამწყვდევა ორი თვიდან ექვს წლამდე, და

დ) დატუსალება ერთი დღიდან ექვს თვემდე.

43. ამ კანონში აღნიშნულ ერთ-ერთ სასჯელის დადება იწვევს იმ შედეგს, რომელიც ჩამოთვლილია სისხლის სამართლის დებულებაში. ციხეში დამწყვდევის მისჯა იწვევს თანამდებობიდან გადაყენებას.

44. დამნაშავეს, რომელიც მიჩნეულ იქნება შეღავათის ღირსად, სასჯელი შეუმსუბუქდება შემდეგი საფუძველით:

1) არ შეიძლება დაენიშნოს ამ დანაშაულისთვის კანონში აღნიშნული უმაღლესი სასჯელი;

2) როცა კანონში ნაჩვენებია სასჯელის უმცირესი ხარისხი, სასამართლოს ნება აქვს შეუმციროს სასჯელი უმცირეს ხარისხამდე;

3) როცა კანონში აღნიშნული არაა განსაკუთრებული განსაზღვრა დანაშაულის სასჯელის უმცირეს ხარისხისა, სასამართლოს შეუძლია შეამციროს ეს სასჯელი უმცირეს კანონიერ ხარისხამდე, ან გადავიდეს სხვა გვარ სასჯელზე შემდეგის წესით: ვადიან კატორღიდან ტუსალთა გამასწორებელ რაზმში გაგზავნაზე; ტუსალთა რაზმიდან — ციხეში დამწყვდევაზე და ამ უკანასკნელიდან — დატუსალებაზე.

45. წინასწარი დატყვევება შეიძლება დაშნაშავეს სასჯელში ჩავთვალოს, უკეთუ მას მიესჯება ტუსალთა გამასწორებელი რაზმი, ციხე ან დატუსალება.

46. ამ კანონით დაისჯება ყოველი დანაშაული, რომელიც ჩადენილია 1918 წლის მაისის 26-ს შემდეგ.

47. ეს კანონი შედის ძალაში დღიდან მიღებისა პარლამენტის შიერ.

1919 წ. იანვრის 31.

დედანს ხელს აწერენ:

საქართველოს პარლამენტის თავმჯდომარის ამხანაგი ე. თაყაიშვილი.

საქართველოს რესპუბლიკის მთავრობის თავმჯდომარე ნ. უორდანიძე.

38. კ ა ნ ო ნ ი

**მთავრობის ოფიციალურ ორგანოს „საქართველოს რესპუბლიკის“
დაარსებისა.**

1. დაარსდეს შინაგან საქმეთა სამინისტროსთან მთავრობის ოფიციალური ორგანო „საქართველოს რესპუბლიკა“.

2. პირველ მუხლში აღნიშნული ორგანოს გამოცემისათვის, თანახმად ამ კანონთან დართული შტატის და ხარჯთ-აღრიცხვისა, გაღებულ იქნეს სახელმწიფოს ხაზინიდან 1918 წლის ივლისის 25-დან 1919 წლის იანვრის პირველამდე ოთხმოცდაშვიდი ათას ექვსას ორმოცდაათი მანეთი (87.650).

1919 წ. იანვრის 31.

დედასს სეფს აწუკენ:

საქართველოს პარლამენტის თავმჯდომარის ამხანაგი ე. თაყაიშვილი.

საქართველოს რესპუბლიკის მთავრობის თავმჯდომარე ნ. უორდანი.

უ ტ ა ტ ი

ვაზ. „საქართველოს რესპუბლიკის“ რედაქციისა.

№ რიგზე	თ ა ნ ა მ დ ე ბ ო ბ ა ნ ი	თანამდებობა	ჯამაგირის რაოდენობა	
			თვეურად მანეთობ.	წლიურად მანეთობ.
1	რედაქტორი	1	950	11.400
2	მდივანი	1	900	10.800
3	მდივნის თანაშემწე	1	700	8.400
4	მთარგმნელი	1	600	7.200
5	ქრონიკორი (თითოს 200 მ. თვიურ.)	2	400	4.800
6	კორექტორი (ერთს 700 მ., მეორეს 500 მან. თვიურად)	2	1.200	14.400
7	კანტორის გამგე	1	800	9.600
8	მისი თანაშემწე	1	600	7.200
9	ექსპედიტორი	1	550	6.600
10	მისი თანაშემწე (ერთს 450 მან., მეორეს 350 მან. თვიურად)	2	800	9.600
11	მსახური (თითოს 350 მან. თვიურად).	2	700	8.400
ს უ ლ		15	8.200	98.400

1919 წ. იანვრის 31.

დედასს სეფს აწუკენ:

საქართველოს პარლამენტის თავმჯდომარის ამხანაგი ე. თაყაიშვილი.

საქართველოს რესპუბლიკის მთავრობის თავმჯდომარე ნ. უორდანი.

ს ბ რ ჯ შ - ა ლ რ ი ს ს ვ ა

ოფიციალურ გზით ჩაქართველოს რესპუბლიკისა“.

№ № ჰიგზე	ს ა გ ა ნ ი ხ ა რ ჯ ი ს ა	თეფური ხარჯი მანე-თობ.	წლიური ხარჯი მანე-თობ.	ს ა გ ა ნ ი უ ე მ ო ს ა ვ ა ლ ი ს ა	თეფური მანე-თობ.	წლიური მანე-თობ.
1	ქალაღი	6.500	78.000	აღვიღობრიღ ხეღის-მომწეოთავან	3.500	42.000
2	ბეჭღე	2.600	31.200	ქალაქ გარეღ ხეღის-მომწეოთავან	5.000	60.000
3	აწეობა	10.400	124.800	განცხადებღიდან	12.000	144.000
4	მოსამსხეოთა შტატი	8.200	98.400	ხეღზე გაეიღღეთ	7.000	84.000
5	ღამტარეღღებს	1.080	12.960	ჯ ა მ ი	27.500	330.000
6	საგენტოს	400	4.800	ზეღღემეტი ხარჯის დასაფარავღლ საქი-როა დახმარეზა	17.530	210.360
7	ბინის ქირა	250	3.000			
8	განათეზა	100	1.200			
9	გათბობა	250	3.000			
10	ფოსტა	150	1.800			
11	საქანცეღაროი ხარჯი	500	6.000			
12	ჰონორარი	2.500	30.000			
13	მთავრობის ბიბლიოთეკებს უფასოღ 500 ცალი გაზეთისა	3.900	46.800			
14	სხეე-და-სხეე ხარჯი	400	4.800			
15	საქართვეღლოს პარღამენტის სტენოგრაფიულ ოკეზების ბეჭღე ცალქე ღამტებღღ.	7.800	93.600			
	ჯ ა მ ი	45.030	540.360			

1919 წ. იანვრის 31.
 დეღანს ხეღს აწეოქ:
 საქართვეღლოს პარღამენტის თავეღღმარის ამხანაგი ე. თაყაიშვიღი.
 საქართვეღლოს რესპუბლიკის მთავრობის თავეღღღმარე ნ. უღარღანიო.

39. დროებითი დებულება

საქართველოს წყალთა ძალის გამოყენებისა.

1917 წლის მაისის 5 რუსეთის დროებითი მთავრობის მიერ გამოცემულისა და 1917 წლის სექტემბრის 19 მე-227 №-რით გამოქვეყნებულ წყალთა ძალის გამოყენების დროებითი კანონის ნაცვლად შემოღებულ იქნეს შემდეგი დებულება:

1. საქართველოს წყალთა ძალა იმყოფება სახელმწიფოს განკარგულებაში.

2. საქართველოს წყალთა ძალის გამოყენებისათვის სადგურების მოწყობა, აგრეთვე მათი ექსპლოატაცია და ძალთა განვითარება უნდა სწარმოებდეს მხოლოდ ამ წესების თანახმად.

3. უფლება სადგურების მოწყობისა და მათი ექსპლოატაციისა, როდესაც სადგურის სიმძლავრე 300 ცხენის ძალას აღემატება, გაიცემა კონცესიის წესით.

4. კონცესიებს საბოლოოდ ამტკიცებს: ა) საკანონმდებლო ორგანო, როდესაც სადგურის სიმძლავრე აღემატება 10 ათას ცხენის ძალას; ბ) ყველა დანარჩენ შემთხვევაში — მთავრობა.

5. უფლება იმ სადგურის მოწყობისა და ექსპლოატაციისა, რომლის სიმძლავრე 300 ცხენის ძალას არ აღემატება, მიეცემა სანებართვო მოწმობით, რომელსაც აძლევს: ა) მთავრობა, როცა წყალთა ძალის გამოყენება საჭიროებს იძულებით ჩამორთმევას ან დროებითი დაჭერას სხვისი უძრავი ქონებისას, და ბ) წყალთა სამმართველო ყველა დანარჩენ შემთხვევაში თანახმად 1890 წ. დეკემბრის 3-ს წყალთა კანონისა.

შ ე ნ ი შ ე ნ ა. სადგურის სიმძლავრე აღირიცხება ფორმულით $W=10 QH$, სადაც Q აღნიშნავს წყლის ხარჯვას კუბიკურ მეტრით წამში, ხოლო H წყლის გამოსაყენებ სვეტის სიმაღლეს მეტრით.

6. სათანადო წესით დადასტურებულ საკონცესიო ხელშეკრულობას დასდებს მთავრობის სახელით მიწათ-მოქმედების მინისტრი.

7. ამ დებულების მე-5 მუხლში მოხსენებულ მოვალეობათა გარდა, წყლის სამმართველოს მოვალეობა ყველა საადმინისტრაციო და სატექნიკო საქმის გადაჭრა.

8. თავის განცხადებით წყლის ძალთა ექსპლოატაციის შესახებ მწარმოებლებმა უნდა მიმართონ წყალთა სამმართველოს, ხოლო ეს უკანასკნელი იმ შემთხვევაში, როდესაც მას არა აქვს უფლება საკითხი საბოლოოდ თვითონ გადასჭრას, მწარმოებლის განცხადებას ყველა საჭირო შემოწმებული მასალით და თავის დასკვნით წარუდგენს მიწათ-მოქმედების მინისტრს. თავის მხრით მიწათ-მოქმედების მინისტრი, უკეთუ

233
1919

მას არა აქვს უფლება საკითხის საბოლოოდ გადაჭრისა, მთავრობას წარუდგენს საქმეს თავისი დასკვნით.

9. უკეთუ წყალთა ძალის საექსპლოატაციო ან ელექტრონის ენერჯიის მანძილზე გადასაცემ მოწყობილობათა გასამართავად საჭიროა ჩამორთმევა, დროებით დაჭერა სხვისი უძრავი ქონებისა, ან ამ ქონებით სარგებლობაში მონაწილეობა და მწარმოებელი და ქონების პატრონი ნებაყოფლობით ვერ შეთანხმდენ, იმ შემთხვევაში იძულებითი ჩამორთმევა, დროებით დაჭერა, ან ქონების სარგებლობაში მონაწილეობის უფლების დაწესება მოხდება მთავრობის დადგენილებით, თანახმად იმ წესისა, რომელიც მიღებულია რკინის გზის საჭიროებისათვის უძრავი ქონების იძულებითი ჩამორთმევისა, დროებით დაჯერასა, ან მონაწილეობის უფლების დასაწესებლად, მხოლოდ იმ პირობით, რომ მრეწველს უფლება მიეცეს დაუყოვნებლივ დაიჭიროს მისთვის საჭირო უძრავი ქონება.

შ ე ნ ი შ ვ ნ ა. იძულებითი ჩამორთმევა, ნამდვილ საჭიროების მიხედვით, შეიძლება შეეხოს იმ უფლებებსაც, რომელიც სამთა მრეწველებს აქვთ მადნეულობის დამუშავებისათვის მინიჭებული.

10. სახელმწიფო მიწის ნაკვეთი, რომელიც სადგურების ასაშენებლად ან ელექტრონის ენერჯიის მანძილზე გადასაცემად არის საჭირო, საჯარო ვაჭრობის დაუნიშნავად უნდა გადაეცეს იჯარით კონცესიის ამღებს იმ ვადით, რა ვადითაც კონცესია აქვს აღებული. სათანადო ხელშეკრულობას დასდებს კონცესიის ამღებთან მიწათ-მოქმედების მინისტრი.

1919 წ. იანვრის 31.

დედანს ხელს აწერენ:

საქართველოს პარლამენტის თავმჯდომარის ამხანაგი ე. თაყაიშვილი.

საქართველოს რესპუბლიკის მთავრობის თავმჯდომარე ნ. უორდანი.

40 საქართველოს პარლამენტის დადგენილება

საქართველოს პარლამენტის მოქმედების შეჩერების შესახებ.

1. პარლამენტის მოქმედება შეჩერებულ იქნეს ამა იანვრის 31-დან.
2. პარლამენტი დათხოვნილად ითვლება დღიდან დამფუძნებელ კრების შეკრებისა.
3. დამფუძნებელ კრებას მოიწვევს პარლამენტის პრეზიდიუმი და პარლამენტის ცენტრალური დამფუძნებელ კრების საარჩევნო კომისია.

1919 წ. იანვრის 31.

დედანს ხელს აწერს:

საქართველოს პარლამენტის თავმჯდომარის ამხანაგი ე. თაყაიშვილი.

შეცდომის გასწორება: „კანონთა და მთავრობის განკარგულებათა კრებულის“ ამა 1919 წლის პირველ ნომერში დაბეჭდილია მე-2 კანონი: „სისხლის სამართლის წესდების მე-438¹ მუხლის შეესუსტების, რომლის დედანშიაც შემდეგი შეცდომაა: მე-438¹ მუხ. ტექსტში მოხსენიებულია სისხლის სამართლის წესდების წესდების მე-338 მუხ., უნდა იყოს: მე-388 მუხ.